

wie lange sich das geburt marckt gehalden, gekauft, das mogen sie in schieff laden adder uff den schieffen, daruff sie es gekauft, vnnnd uff den schieffen, die sie bestalt yn von Behemen gerste adder malttz zubringen, so die ire zzeit vor Pirne uff den schiffen marckt gehalden, follent biß gein Loschkewitz furen, do außschieffen vnnnd denn uff waynen zu yn gein Radeberg furen laßen. Sulchs mogen sie thun zu irer notturft so offte yn das not ist, doch das sie das nicht weytter denn zcu iren gebrewden in dem stetchin gebrauchen vnnnd sust nymandes kein maltz auß dem stetchin vorkeuffenn; wu sie das aber uberfaren vnnnd maltz uß dem stetchin furder verkeuffen, es were vil adder wenig, so sullen sie sulcher freiheit vorlustig vnnnd darzu in vnnßer swere straffe gefallen sein. Des zu urkunde haben wir herctzog Ernnt vnnßer insigell zurucke uff dißen briue gedruckt, des wir hertzog Albrecht hirzu mitgebrauchen. Geben zu Dreßden am dinstage nach Exaudi anno domini 1c. LXXVIII.

Nach Cop. 61 fol. 91 im K. Haupt-Staatsarchiv zu Dresden.

Eine im Jahre 1698 gefertigte vidimirte Abschrift dieser Urk., deren Orig. sich damals noch im städtischen Archive zu Radeberg befand, ist im Rathsarchiv zu Pirna aufbewahrt.

#### No. 176. 1478. 29. Mai.

*Kurf. Ernst und Herz. Albrecht vermehren das Leibgedinge der Ehefrau des Heinz von Rottwernsdorf um 2 Schock 51 Gr. j. Z. von Gärten in der Vogelgasse vor Pirna.*

Anno domini 1c. LXXVIII am freitag nach Urbani haben mynn gnedigen herrn der erbarnn frauwen Annan Heintzenn vonn Rotwerndorff eelichenn hausfrauwen 11 sch. 11 gr. ierlicher zcins auff etlichin garten vor der stat Pirne in der Vogelgassen gelegen zu besserung yres vorigen lipgedinges, domit sie vormals nach lawt eines briues dorvbir sagend begnadet ist, beleipgedinget. Tutores Hanßen Langen vnd Ditterich Rewber. Actum Dreßden anno 1c. quibus supra.

Nach Cop. 61 fol. 189<sup>b</sup> im K. Haupt-Staatsarchiv zu Dresden.

#### No. 177. 1478. 29. Dec.

##### *Rathswahl.*

Anno domini millesimo CCCCLXX nono an dem dinstage Thomae Cantuariensis ist der nawe radt von dem alden rathe nach altherkommen gewonheit gekorn vnnnd bestetiget von vnnßern gnedigen herren vonn Sachßen, bie namen Greger Kucheler zu eynem burgermeister, Jacuff Czappen, Niclaus Noesil, Paul Kippenhaim, Jeronimus Bertold, Mertin Henßil, Hans Bockil, Hanns Kittel, Nickil Helbig, Pawel Fridel, Jacuff Weller vnnnd Andreas Flegil zu rathmanne.

Stadtrechnung vom J. 1479 fol. 1 im Rathsarchiv zu Pirna.

Unter der Rubrik ‚Gemeine Ausgabe‘ finden sich in Betreff der Rathsbestätigung und des Rathswechsels folgende Ansätze: Item 1 ß zu bestetigen den nawen burgermeister 3<sup>a</sup> in die Thomae Cantuariensis (29. Dec.). Item v gr. 1111 d. hat Jacuff vorczert nach dem brieffe eodem die. — Item v gr. dii hern vortruncken als man den rat bestetigit hat vnde dii gemeyne besandt vnde dii alden gebot vornawet vnde bestetigit in die Circumcisionis domini (1. Jan. 1479). — Item 11 gr. 1111 1/2 hell. dii hern vortruncken als der alde rat dem nawen hat rechenunge gethan vnde abe gescheyden synt 2<sup>a</sup> feria post Circumcisionis domini (4. Jan.).